



Na osnovu člana 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21) i člana 12. Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), a u skladu sa Odlukom o usvajanju godišnjeg plana objavljivanja javnih poziva dodjele transfera neprofitnim organizacijama i pojedincima za finansiranje i sufinansiranje aktivnosti programa i projekata za 2022. godinu broj 06-11-6184-2/22 od 16.03.2022. godine, ministar za boračka pitanja Kantona Sarajevo r a s p i s u j e

## **JAVNI POZIV**

**za dodjelu transfera neprofitnim organizacijama za finansiranje i sufinansiranje aktivnosti/programa/projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2022. godinu**

### **I Predmet javnog poziva**

Predmet javnog poziva je raspodjela sredstava iz Budžeta Kantona Sarajevo za 2022. godinu, razdjel Ministarstvo za boračka pitanja Kantona Sarajevo za finansiranje i sufinansiranje aktivnosti/programa/projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo, čije je sjedište na području Kantona Sarajevo i čije su djelatnosti usmjerene na područja iz oblasti koje su u nadležnosti Ministarstva.

### **II Svrha i cilj dodjele transfera**

Svrha dodjele transfera neprofitnim organizacijama po ovom Javnom pozivu je stvaranje uslova za realizaciju aktivnosti programa/projekata od strane boračkih saveza/udruženja i drugih subjekata koji realizuju projekte koji su od interesa za pripadnike boračke populacije Kantona Sarajevo ili doprinose razvoju i afirmaciji Kantona i provode se na području Kantona, a u izuzetnim slučajevima koji su od interesa za pripadnike boračke populacije Kantona, a provode se izvan područja Kantona. Na taj način stvaraju se uslovi i za funkcionisanje boračkih saveza i udruženja u cilju njihovog osnaživanja u zastupanju interesa boračke populacije Kantona Sarajevo.

Također, se želi postići cilj u smislu pružanja podrške boračkim udruženjima čiji su programski ciljevi i djelatnosti definisani i isti su usmjereni na područja iz oblasti koje su u nadležnosti Ministarstva za boračka pitanja Kantona Sarajevo (u daljnjem tekstu: Ministarstvo), tj. na potrebe pripadnika boračke populacije i održavanje aktivnosti na očuvanju tekovina odbrambeno - oslobodilačkog rata 1992-1995. godine, kao i narodnooslobodilačkog rata 1941-1945. godine, na području Kantona.

### **III Sredstva za implementaciju**

Sredstva za implementaciju po ovom Javnom pozivu obezbijedena su u Budžetu Ministarstva na ekonomskom kodu 614300 DAN030 „Realizacija projekata od interesa za boračku populaciju u saradnji sa neprofitnim organizacijama“ (program DAN0302 Udruženja građana - boračka udruženja



finansiranje/sufinansiranje programa i projekata Udruženja građana - boračka udruženja finansiranje/sufinansiranje programa i projekata u iznosu od 835.840KM. Ministarstvo za boračka pitanja Kantona Sarajevo zadržava pravo da navedeni iznos umanja ili uveća u zavisnosti od broja prijave i obima aktivnosti, te eventualnog usmjerevanja sredstava u duge namjene (uz saglasnost Vlade Kantona Sarajevo). Pojedinačni iznosi po pojedinom korisniku sredstava bit će utvrđeni po provedenoj proceduri obrade aplikacija.

Udruženja kojima sredstva budu odobrena po ovom Javnom pozivu su dužna ista iskoristiti u omjeru utvrđenom od strane Vlade Kantona Sarajevo Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21), (u daljnjem tekstu: Uredba) i to:

- a) maksimalno do 30% odobrenih sredstava za administrativne troškove,
- b) minimalno 70% odobrenih sredstava za projektne aktivnosti.

Udruženja su obavezna nakon realizacije odobrenih projekata ili aktivnosti dostaviti izvještaje o namjenskom utrošku odobrenih sredstava. Izvještaji se podnose na propisanim obrascima opisnog (programskog) i finansijskog izvještaja. Svi troškovi prikazani u obrascu moraju biti obrazloženi, te praćeni odgovarajućom dokumentacijom. Rok za dostavu izvještaja je 15 dana od dana okončanja projekta ili aktivnosti.

Neprihvatljivi troškovi koji se ne mogu finansirati i sufinansirati dodijeljenim sredstvima odnose se na troškove koji nisu predviđeni budžetom projekta korisnika sredstava i troškovi koji su nastali prije odobravanja sredstava po ovo javnom pozivu.

Troškovi koji se mogu finansirati dodijeljenim sredstvima po ovom Javnom pozivu odnose se na troškove (administrativni i direktni) koji su vezani za realizaciju projekta sa kojim je udruženje apliciralo, za koji su odobrena sredstva a koji su iskazani u Obrascu Budžeta projekta.

#### **IV Prioritetne oblasti Ministarstva za dodjelu sredstava i rok za implementaciju**

Sredstva iz tačke III namijenjena su za finansiranje i sufinansiranje projektnih aktivnosti iz slijedećih prioritarnih oblasti:

- a) projekti očuvanja i njegovanja tradicije oslobodilačkog rata, tradicionalnost, ugled i interes javnosti, a koji se odnose na obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo“;
- b) projekti obilježavanja značajnih događaja, datuma i ličnosti iz perioda narodnooslobodilačkog rata 1941.-1945. godine na području Kantona Sarajevo“;
- c) programi resocijalizacije i integracije boračke populacije u društvenu sredinu (dodatna edukacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala);
- d) programi koji se odnose na sportske manifestacije i memorijalne turnire i one koji podstiču afirmaciju invalidskog sporta, a naročito manifestacije i memorijalne turnire posvećene licima i događajima vezanim za odbrambeno-oslobodilački rat 1992.-1995. godine u organizaciji boračkih i drugih udruženja te sportskih društava;
- e) programi pružanja besplatne pravne pomoći boračkoj populaciji i cjelodnevan rad sa strankama;
- f) aktivnosti i uključivanje što većeg broja boračke populacije pripadnika nacionalnih manjina, promocije spolne/rodne, ekonomske i socijalne uključenosti u rad udruženja i realizaciju projekata, te jednak pristup budžetskim sredstvima muškarcima i ženama, siromašnim i drugim marginaliziranim grupama.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

Rok za implementaciju projekata propisuje se Ugovorom o dodjeli transfera za finansiranje i sufinansiranje aktivnosti/programa/projekata. Nakon realizacije svih dodijeljenih sredstava a najkasnije do kraja budžetske godine, Ministarstvo provodi evaluaciju postignutih učinaka Programa utroška sredstava koji je osnov za raspisivanje i provođenje ovog Javnog poziva.

## V Pravo učešća

1. Pravo učešća po ovom Javnom pozivu imaju kantonalna boračka udruženja i savezi i druga boračka udruženja, nevladine organizacije i neprofitne organizacije, fondacije, zaklade, instituti, sportska udruženja i klubovi, organizatori sportskih i drugih manifestacija sa određenim društveno korisnim ciljem i udruženja koja njeguju tekovine odbrambeno-oslobodilačkog rata 1992.-1995. godine, te narodnooslobodilačkog rata 1941.-1945. godine (u daljnjem tekstu: udruženja) koji za sredstva iz Budžeta apliciraju u svrhu finansiranja i sufinansiranja projekata koji su od interesa za građane Kantona Sarajevo (u daljnjem tekstu: Kanton) ili doprinose razvoju i afirmaciji Kantona i provode se na području Kantona, a u izuzetnim slučajevima koji su od interesa za građane Kantona a provode se izvan Kantona.
2. Kantonalna boračka udruženja i savezi članovi Koordinacionog odbora boračkih organizacija Kantona Sarajevo i kantonalna udruženja proistekla iz HVO-a.

## VI Kriteriji za učešće

Aplikanti podnose pismene zahtjeve za finansiranje i sufinansiranje projekata i programa od interesa za boračku populaciju Kantona Sarajevo i očuvanje tekovina odbrambeno-oslobodilačkog rata 1992.-1995. godine, te narodnooslobodilačkog rata 1941.-1945. godine sa dokazima o ispunjavanju općih i posebnih kriterija navedenih u Uredbi i Pravilniku o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), (u daljnjem tekstu: Pravilnik).

Opći kriteriji su:

- a) upis u odgovarajući registar iz kojeg je vidljivo da je sjedište aplikanta na području Kantona Sarajevo i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva,
- b) uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključivali ugovore),
- c) uredno ispunjavanje obaveza poreza i doprinosa,
- d) da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela,
- e) za podnosioca prijava koji su neprofitne organizacije, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.
- f) Program rada za tekuću godinu sa obrazloženjem;
- g) Finansijski plan za tekuću godinu;
- h) Izvještaj o urednom finansijskom poslovanju (bilans stanja, bilans uspjeha i narativni-opisni izvještaj za prethodnu godinu).



Posebni kriteriji su:

- a) usklađenost ciljeva, programa ili projekta sa ciljevima i prioritarnim oblastima iz strateških dokumenata iz kojih su izvedeni prioriteti za dodjelu sredstava;
- b) organizacijski i finansijski kapaciteti podnosioca prijave;
- c) dosadašnje iskustvo podnosioca u provođenju istog ili sličnih aktivnosti/programa/ projekata;
- d) učešće drugih partnera u realizaciji i njihovi kapaciteti i dosadašnje iskustvo;
- e) kvalitet planiranih aktivnosti i metode provođenja, te njihova povezanost sa problemima koji su bili osnov za utvrđivanje prioriteta, a koji se nastoje riješiti provođenjem aktivnosti/programa/projekta;
- f) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata razrađeni po izvorima finansiranja, indirektni troškovi provođenja aktivnosti/programa/projekata;
- g) informacije o rizicima i mogućim problemima u provedbi aktivnosti/programa/projekta,
- h) održivost aktivnosti/programa/projekta (obim u kojem će se rezultati provedenih programa i projekata nastaviti koristiti od strane krajnjih korisnika;
- i) uticaj aktivnosti/programa/projekata, odnosno koje se promjene očekuju od njihovog provođenja;
- j) projekti očuvanja i njegovanja tradicije oslobodilačkog rata, tradicionalnost, ugled i interes javnosti, a koji se odnosi na obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo“;
- k) projekti obilježavanja značajnih događaja, datuma i ličnosti iz perioda narodnooslobodilačkog rata 1941.-1945.godine na području Kantona Sarajevo“;
- l) programi i projekti koji se odnose na: okupljanje i druženje članova udruženja u cilju njegovanja tradicije odbrambeno-oslobodilačkog rata 1992-1995. godine, te provođenje aktivnosti obilježavanja značajnih događaja, datuma i ličnosti iz ratnog perioda;
- m) programi resocijalizacije i integracije boračke populacije u društvenu sredinu (dodatna edukacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala);
- n) programi koji se odnose na sportske manifestacije i memorijalne turnire i one koji podstiču afirmaciju invalidskog sporta, a naročito manifestacije i memorijalne turnire posvećene licima i događajima vezanim za odbrambeno-oslobodilački rat 1992.-1995. godine u organizaciji boračkih i drugih udruženja te sportskih društava;
- o) programi pružanja besplatne pravne pomoći boračkoj populaciji i cjelodnevan rad sa strankama;
- p) aktivnosti i uključivanje što većeg broja pripadnika nacionalnih manjina, promocije spolne/rodne, ekonomske i socijalne uključenosti u rad udruženja i realizaciju projekata, te jednak pristup budžetskim sredstvima muškarcima i ženama, siromašnim i drugim marginaliziranim grupama i
- q) aktivnosti i programi koji doprinose afirmaciji i njegovanju tradicije odbrambeno - oslobodilačkog rata.

## VII Dokumentacija koju je potrebno dostaviti:

Sredstva se dodjeljuju na osnovu Javnog poziva koje raspisuje Ministarstvo, a podnosilac prijave dostavlja sljedeću dokumentaciju:



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

- a) Prijavu na Javni poziv za dodjelu transfera neprofitnim organizacijama za finansiranje i sufinansiranje aktivnosti/programa/projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2022. g. (koja se preuzima na web stranici Ministarstva),
- b) Popunjen, potpisan i ovjeren Obrazac za prijavu projekata Ministarstvu za boračka pitanja Kantona Sarajevo za ostvarivanje sredstava za finansiranje i sufinansiranje aktivnosti/programa/projekata (koji se preuzima na web stranici Ministarstva);
- c) Obrazac budžeta projekta udruženja za ostvarivanje sredstava za finansiranje i sufinansiranje aktivnosti/programa/projekata Ministarstva za boračka pitanja Kantona Sarajevo, potpisan i ovjeren od strane podnosioca prijave (preuzima se na web stranici Ministarstva);
- d) Rješenje o registraciji od nadležnog organa sa zadnjim izmjenama podataka (ovjerena fotokopija u vrijeme podnošenja zahtjeva) iz kojeg je vidljivo da je sjedište aplikanta na području Kantona Sarajevo;
- e) Akt (Rješenje o registraciji ili osnivački akt) iz kojeg je vidljivo područje djelovanja koje je u skladu sa prioritetima za koje se dodjeljuju sredstva (ovjerena fotokopija ne starija od 3 mjeseca);
- f) Uvjerenje o poreznoj registraciji (ID broj) (ovjerena fotokopija ne starija od 3 mjeseca);
- g) Uvjerenje o izmirenim poreskim obavezama (original ili ovjerena fotokopija, Uvjerenje ne starije od 30 dana od dana objavljivanja Javnog poziva);
- h) Uvjerenje o izmirenim porezima i doprinosima za zaposlenike (ukoliko ima zaposlenika) (original ili ovjerena fotokopija, Uvjerenje ne starije od 30 dana od dana objavljivanja Javnog poziva);
- i) Lista osiguranika izdata od strane Porezne uprave (original ili ovjerena fotokopija, Lista ne starija od 30 dana od dana objave Javnog poziva);
- j) Uvjerenje da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak (uvjerenje od nadležnog općinskog suda) i nije pravosnažno osuđen za prekršaj i/ili počinjenje krivičnog djela (uvjerenje od nadležnog MUP-a);
- k) Izjava da je u skladu sa svojim zakonskim obavezama internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl. (preuzima se na web stranici Ministarstva);
- l) Bilans stanja i bilans uspjeha za prethodnu godinu ovjereni od strane nadležne ustanove i narativni izvještaj za prethodnu godinu-tekstualni opis provedenih aktivnosti;
- m) Finansijski izvještaj o utrošku sredstava za projekte odobrene u prethodnom periodu na propisanim obrascima dostavljeni shodno ugovorenim obavezama po prethodno zaključenim ugovorima (ukoliko nije dostavljen ranije dostavljen);
- n) Obrazac okvirnog finansijskog plana i programa rada udruženja za ostvarivanje sredstava za finansiranje i sufinansiranje aktivnosti/programa/projekata Ministarstva za boračka pitanja Kantona Sarajevo za godinu za koju se raspisuje Javni poziv (preuzima se na web stranici Ministarstva);
- o) Ako postoji partner na projektu dostaviti Izjavu o partnerstvu popunjenu i ovjerenu od strane partnera na projektu iz koje je vidljiv iznos sredstava sa kojima će isti sufinansirati projekat (preuzima se na web stranici Ministarstva);
- p) Izjava kojom korisnik sredstava (prihvata) potvrđuje saglasnost da se podaci sadržani u ugovoru o dodjeli transfera unesu u Registar transfera neprofitnim organizacijama i



pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da isti budu javni i transparentni (preuzima se na web stranici Ministarstva);

- q) Izjava ovjerena od nadležnog organa da do dana objave javnog poziva podnosioci zahtjeva nisu/jesu ostvarili sredstva iz drugih izvora finansiranja i sufinansiranja za aktivnosti /programe/projekte kojima su aplicirali po Javnom pozivu (preuzima se na web stranici Ministarstva), odnosno da ne postoji dvostruko finansiranje i sufinansiranje za aplicirane aktivnosti/programe/projekte. Ukoliko jesu ostvarena sredstva iz drugih izvora za finansiranje dijela aktivnosti /programa/projekta, isto mora biti obrazloženo.
- r) Izjava odgovornog lica Udruženja da je Udruženje u skladu sa Statutom Udruženja i Zakonom o udruženjima i fondacijama („Službene novine Federacije Bosne i Hercegovine“ broj 45/02) redovno održavalo skupštine Udruženja, da je skupština Udruženja redovno odlučivala o razrješenju i imenovanju članova organa upravljanja i ovlaštenih lica za zastupanje i predstavljanje udruženja, da je mandat članova organa upravljanja i lica ovlaštenih za zastupanje aktivno legitiman da poduzimaju radnje u ime i za račun udruženja.
- s) Izjava o realizaciji projekta (preuzima se na web stranici Ministarstva);
- t) Ovjerena fotokopija ugovora o otvaranju transakcijskog računa.
- u) U toku samog Javnog poziva, Ministarstvo može tražiti i drugu dokumentaciju iz koje je vidljivo ispunjavanje općih i posebnih uvjeta i kriterija propisanih Uredbom i pravilnikom.

Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje, te nije dužno dostaviti akte navedene pod tačkama h) i i).

Udruženje koje je registrovano u prethodnoj godini a nakon registracije nije imalo drugih promjena na svom računu osim uplate redovnog depozita, nije dužno dostaviti izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini. Ovakvo udruženje dužno je obavijestiti FIA-u o tim činjenicama podnošenjem Izjave o neaktivnosti za prethodnu godinu. Ovjerenu fotokopiju navedene Izjave kod nadležnog organa, a koja je zaprimljena od strane FIA-e, udruženje je dužno dostaviti po predmetnom Javnom pozivu.

**Naprijed navedena dokumentacija treba biti dostavljena u štampanoj formi i elektronski (na CD-u ili USB-u)**

**Svi dokumenti koji se podnose kao dokaz o ispunjavanju općih i posebnih kriterija iz ovog poziva trebaju biti poredani po naprijed navedenom redoslijedu.**

### **VIII Obrada prijava i izbor korisnika**

Za obradu prijava po Javnom pozivu za dodjelu transfera neprofitnim organizacijama za finansiranje i sufinansiranje aktivnosti/programa/projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo, ministar Rješenjem imenuje Komisiju. Komisija ima zadatak, u skladu sa propisanim kriterijima i procedurama utvrđenim Uredbom i Pravilnikom, da izvrši evaluaciju i bodovanje prispjelih prijava, sačini Prijedlog odluke o dodjeli transfera neprofitnim organizacijama za finansiranje i sufinansiranje aktivnosti/programa/projekata i Listu podnosilaca prijava čije su prijave neblagovremene, nepotpune i neuredne, te iste dostavi ministru.

Odluku o dodjeli sredstava za finansiranje i sufinansiranje aktivnosti/programa/projekta transfera neprofitnim organizacijama, donosi ministar.



Objavljivanje rezultata javnog poziva vrši se na internet stranici Ministarstva. Ministarstvo je obavezno u roku od 15 radnih dana od dana objavljivanja rezultata, pismeno obavijestiti podnosiocima čije prijave nisu prihvaćene za finansiranje i sufinansiranje, navodeći razloge odbijanja prijave.

Svi podnosioci prijave imaju pravo na izjavljivanje prigovora, osim ako prijava nije odbijena kao nepotpuna, neblagovremena i neuredna. Prigovor se izjavljuje u pisanoj formi ministru u roku od sedam dana od dana dostavljanja pismene obavijesti podnosiocu čija prijava nije prihvaćena za finansiranje i sufinansiranje.

Nakon isteka roka za prigovor i nakon rješavanja po ulozenim prigovorima, Ministarstvo sa odabranim korisnicima sredstava zaključuje ugovore o dodjeli sredstava, nakon čega će se sredstva doznačiti na transakcijske račune korisnika, na način definisan ugovorom.

## **IX Mjere za sprečavanje sukoba interesa**

Mjere za sprečavanje sukoba interesa najmanje uključuju da predsjednik, član i sekretar komisije uključeni u postupke dodjele transfera:

- a) nije lično i/ili članovi njegove porodice (bračni ili vanbračni drug, dijete ili roditelj) nisu zaposlenici, članovi upravnog tijela ili rukovodioci kod podnosioca prijave,
- b) nije povezan na bilo koji način sa podnosiocem prijave ni kod drugih lica (partnerski odnos u provođenju programa i projekata i sl.),
- c) nema materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa.

U slučaju utvrđenog sukoba interesa, bilo po izjavi lica uključenih u dodjelu sredstava ili po zaprimljenoj prijavi od strane drugih lica, ministar odlučuje o načinu upravljanja sukobom interesa, odnosno svaki član komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

## **X Zajedničke odredbe**

1. Primaoci finansijske podrške za realizaciju programa ili projekta koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata.
2. Program utroška sredstava iz Budžeta putem dodjele transfera finansiranja i sufinansiranja aktivnosti programa i projekata neprofitnih organizacija, obrazac za prijavu projekata, obrazac budžeta projekta udruženja, obrazac finansijskog izvještaja o utrošku sredstava i obrazac opisnog (programskog) izvještaja o utrošku sredstava, koje treba primjenjivati prilikom izrade izvještaja o utrošku dodijeljenih sredstava, obrazac okvirnog finansijskog plana i programa rada udruženja, kao i obrasci izjava pod tačkama o, p, q, r i s mogu se naći na web stranici ministarstva ([mbp.ks.gov.ba](http://mbp.ks.gov.ba)).
3. Sredstva nominalno odobrena Budžetom će se doznačavati udruženjima u cijelosti, odgovarajućim mjesečnim tranšama ili na drugi pogodan način.
4. Sredstva odobrena po osnovu ovog Javnog poziva se moraju iskoristiti namjenski.
5. Svi oni projekti koji nisu obuhvaćeni ovim Javnim pozivom, a odnose se na oblasti koje uređuje Uredba o dodjeli transfera neprofitnim organizacijama i pojedincima iz Budžeta Kantona Sarajevo i Pravilnik o dodjeli transfera neprofitnim organizacijama i pojedincima, bit će obuhvaćeni posebnim javnim pozivima koji će se raspisati prema Godišnjem planu objavljivanja javnih poziva dodjele transfera neprofitnim organizacijama i pojedincima za finansiranje i sufinansiranje aktivnosti/programa/projekata.



6. Nepotpune, neblagovremene i neuredne prijave neće se uzimati u razmatranje.
7. Skraćena verzija Javnog poziva objavljuje se u jednim dnevnim novinama, a cjeloviti tekst Javnog poziva na službenoj web stranici Ministarstva za boračka pitanja Kantona Sarajevo.
8. Dodatne informacije vezane za Javni poziv mogu se dobiti putem telefona: 033 562 007, 033 562 008, 033 562 273 ili na e-mail: mbp@mbp.ks.gov.ba.
9. Rok za podnošenje prijave po ovom Javnom pozivu je 17 dana od dana objavljivanja u dnevnim novinama, odnosno zaključno sa 04.04.2022. godine.
10. Prijave sa potrebnom dokumentacijom dostaviti na protokol Kantona Sarajevo ili poštom na adresu:  
**Ministarstvo za boračka pitanja Kantona Sarajevo,  
ulica Reisa Dž. Čauševića br. 1,  
71000 Sarajevo.**

**Odredbe Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21) prvi put ove godine su u primjeni i u skladu sa istim sačinjen je i ovaj Javni poziv. S tim u vezi, skrećemo pažnju aplikantima da blagovremeno poduzmu aktivnosti na pripremi dokumentacije navedene u ovom Javnom pozivu, pri čemu ističemo da su u poglavlju X Zajedničke odredbe pod tačkom 2. navedeni obrasci i izjave koji su dostupni na web stranici Ministarstva a koje trebate popuniti.**

Broj: 06-11-11200 /22  
Sarajevo, 17.03.2022. godine



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)